

鄭

氏

箋

考

徵

鄭氏箋攷徵

鄭康成習韓詩兼通齊魯最後治毛詩箋詩乃在注禮之後以禮注詩非墨守一氏箋中 useful 三家申毛者有用三家改毛者例不外此二端三家久廢姑就所知得如干條毛古文鄭用三家從今文于以知毛與鄭固不同術也陳奐錄

周南

關雎窈窕淑女君子好逑箋云怨耦曰仇言后妃之德和諧則幽閒處深宮貞專之善女能爲君子和好眾妾之怨者言皆化后妃之德不嫉妬謂三夫人以

下 案劉向列女傳母儀篇引詩而釋之云言賢女

能爲君子和好眾妾箋讀述爲怨耦曰仇

左傳桓三年文字作

述

本劉向釋詩劉習魯詩此魯說也淑女指后妃三

夫人以下申說眾妾樛木序箋云后妃能和諧眾妾
不嫉妬其容貌亦用淑女好述之義非謂淑女爲三
夫人以下也孔正義誤會其意遂以謂后妃求淑女
配君子謬以千里矣

卷耳我姑酌彼金罍箋云臣出使功成而反君且當
設饗燕之禮與之飲酒以勞之言且者君賞功臣或
多於此 案說文夂部引詩姑作夂云秦人市買多

得爲笈箋兼用三家說

我姑酌彼兕觥箋云觥罰爵也饗燕所以有之者禮
自立司正之後旅醕必有醉而失禮者罰之亦所以
爲樂 案正義引異義韓詩說觥亦五升所以罰不
敬觥廓也所以著明之貌君子有過廓然著明非所
以餉不得名觥箋以觥爲罰爵此韓說也

桑尾同

召南

甘棠序箋云召伯姬姓名奭會采於召作上公爲二
伯後封于燕此美其爲伯之功故言伯云 案漢書
王吉傳說苑貴德篇法言先知篇白虎通義封公侯

篇及巡守篇引詩以爲召公作二伯分陝述職之事
則甘棠爲武王詩矣箋用魯說王吉學韓詩韓說同
勿翦勿拜箋云拜之言拔也 案廣韻十六怪引詩
作扒扒拔也此三家義

擗風

柏舟日居月諸胡迭而微箋云君道當常明如日

案釋文迭韓詩作或或當作戴云常也箋中常字用韓詩

終風願言則寤箋云寤讀當爲不敢嚏咳之嚏今俗
人嚏云人道我此古之遺語也 案玉篇口部嚏丁

計切噴鼻也詩曰願言則嚏或希馮所据三家說

擊鼓外生契闊箋云從軍之士相與伍約下箋云歎其棄約 案釋文引韓詩云契闊約束也箋用韓義 匏有苦葉雝雝鳴鴈箋云鴈者隨陽而處似婦人從夫故昏禮用焉 案白虎通義嫁娶篇費用鴈者是隨陽之鳥妻從夫之義也

迨冰未泮箋云冰未散正月中以前也二月可以昏矣 案白虎通義嫁娶篇嫁娶必以春者春天地交通萬物始生陰陽交接之時也詩云士如歸妻迨冰未判周官曰仲春之月合會男女令男三十娶女二十嫁夏小正曰二月冠子娶婦之時此箋以二月昏

嫁爲正時之張本

綱釋東門之楊同

谷風賈用不售箋云如賣物之不售 案太平御覽

資產部十五引韓詩既詐我德賈用不售一錢之物

舉賣百何時當售乎

售俗隸字

簡兮簡兮簡兮箋云簡擇也 案爾雅釋詁柬擇也

郭注云見詩簡與柬同

方將萬舞箋云萬舞千舞也 案公羊宣八年傳萬

者何千舞也此言千以咳羽故異義公羊說樂萬舞

以鴻羽取其勁輕一舉千里舊說以萬爲羽與傳以

萬爲千互相發明何注云千謂楯也能爲人扞難而

不使害人故聖王貴之以爲武樂萬者其篇名武王

以萬人服天下民樂之故名之云爾箋用何說關宮

同

又案夏小正傳萬也者干戚舞也箋以萬爲干

戚舞又以二月爲娶婦時竝與羣經不合免謂小正傳當出秦漢之際非真古籍矣

北門室人交徧摧我箋云摧者刺譏之言 案王符潛夫論交際篇云處卑下之位懷北門之殷憂內見謫於妻子外蒙譏於士夫

北風其虐其邪箋云邪讀如徐言今在位之人其故威儀虛徐寬仁者 案班固幽通賦承靈訓其虛徐

兮峙盤桓而且俟曹大家注引詩其虛其徐班從魯詩則箋用魯說也爾雅釋訓其虛其徐威儀容止也
奐謂釋訓篇多徑後人改竄

庸風

君子偕老邦之媛也箋云媛者邦人所依倚以爲援助也 案釋文引韓詩作援云援取也取乃助字之
譌箋本韓說

鶉之奔奔鶉之奔奔鶉之彊彊箋云奔奔彊彊言其
居有常匹飛則相隨之貌刺宣姜與頑非匹耦 案
釋文韓詩云奔奔彊彊乘匹之兒

相鼠人而無止箋云止容止孝經曰容止可觀 案
釋文韓詩云止節無禮節也箋用韓義

干旄素絲紕之箋云素絲者以爲縷以縫紕旌旗之
旒繆或以維持之下章素絲組之箋云以素絲縷縫
組於旌旗以爲之飾 案焦延壽易林師履豫云干
旄旌旗執幟在郊箋與焦說同

衛風

考槃碩人之軸箋云軸病也 案爾雅釋詁逐病也
郭注逐未詳軸逐古聲相近

氓淇則有岸隰則有泮箋云泮讀爲畔畔涯也言淇

與隰皆有涯岸以自拱持今君子放恣心意曾無所
拘制 案董仲舒春秋繁露隨本消息篇云拱揖指
搆諸侯莫敢不出此猶隰之有泮也董用魯詩此箋
當用魯說

王風

兔爰有兔爰爰箋云有緩者有所聽縱也有急者有
所躁蹙也 案玄應一切經音義二十二韓詩爰爰
發蹤之兒蹤當作縱發縱卽聽縱箋用韓說

鄭風

清人二矛重衛箋云衛矛矜矜當作矜
矜柄也近上及室

所以縣毛羽 案釋文韓詩作鷓雉名箋言縣毛羽
謂以鷓羽飾矛也兼用韓詩

左旋右抽箋云左左人謂御者右車右也日使其御
者習旋車車右抽刃 案釋文抽說文作搯地牢反
云抽刃以習擊刺也說文兼錄三家詩

山有扶蘇山有橋松箋云橋松在山上喻忽無恩澤
于大臣也 案釋文鄭作槁苦老反枯槁也據釋文
箋有橋當作槁四字呂氏春秋先己篇云百仞之松
本傷於下而末槁於上此箋義也

褰裳豈無他人箋云言他人者先鄉齊晉宋衛後之

荆楚下章豈無他士箋云他士猶他人也 案呂氏
春秋求人篇云晉人欲攻鄭令叔嚮聘焉視其有人
與無人子產爲之詩曰子惠思我褰裳涉洧子不我
思豈無他士叔嚮歸曰鄭有人子產在焉不可攻也
秦荆近其詩有異心不可攻也

子衿子寧不嗣音箋云嗣續也女曾不傳聲問我以
恩責其忘已 案釋文嗣韓詩作詒詒寄也曾不寄
問也箋兼用韓說

齊風

敝笱其魚唯唯箋云唯唯行相隨順之貌 案玉篇

遺遺魚行相隨兒

兒据集韻五旨補

箋用三家說

唐風

蟋蟀無已大康職思其憂箋云憂者謂鄰國侵伐之憂案列女傳仁智篇周共王滅密君子謂密母爲能識微卽引此詩箋用魯詩義

揚之水素衣朱繡上章箋云繡當爲綃案鄭注禮記郊特牲及儀禮士昏特牲饋會並引魯詩素衣朱綃綃繒名也

秦風

車鄰寺人之令箋云欲見國君者必先令寺人使傳

告之 案釋文引韓詩作伶云使伶箋兼用韓義

黃鳥誰從穆公序箋云從外自殺以從外 案漢書

匡衡傳云秦穆貴信而士多從外又史記秦本紀繆公卒葬雍從外者百七十七人秦之良臣子輿氏三人名曰奄息仲行鍼虎亦在從外之中應劭云秦穆公與羣臣飲酒酣公曰生其此樂外其此哀於是奄息仲行鍼虎許諾及公歿皆從外此與匡說詩合匡學齊詩箋益用其說

無衣與子同澤箋云澤褻衣近污垢 案釋文云說文作釋箋以澤爲衣名本三家

陳風

澤陂有蒲與荷箋云夫渠之莖曰荷 案爾雅釋草

荷夫渠其莖茄樊允注引詩有蒲與茄樊注見箋讀詩疏

荷爲茄用三家義

有蒲與蘭傳蘭蘭也箋云蘭當作蓮芙蕖實也 案

韓詩漆洧以蘭爲蓮箋用韓說

檜風

羔裘大夫以道去其君也箋云以道去其君者三諫
不從待放於郊得玦乃去 案說詳宣元年公羊傳

白虎通義諫諍篇

匪風誰能亨魚漑之釜鬻箋云誰能者言人偶能割
亨者誰將而歸懷之好音箋云誰將者亦言人偶能
輔周道治民者也 案劉向說苑善說篇蘧伯玉言
公子皙於楚王子皙還重於楚蘧伯玉之力也故詩
曰誰能亨魚漑之釜鬻孰將而歸懷之好音此之謂
也物之相得固微甚矣此與人偶之義合鄭當用魯
詩說

幽風

七月蠶月條桑箋云條桑枝落之采其葉也 案玉
篇手部引詩蠶月挑桑讀條爲挑箋用三家說

東山烝在栗薪箋云栗析也言君子又久見使析薪于事尤苦也古者聲栗裂同也案釋文栗韓詩作蓼力菊反聚薪也聚薪析薪義相近箋兼用韓義

小雅

常棣外喪之威兄弟孔懷箋云外喪可畏怖之事維兄弟之親甚相思念案列女傳續篇孔子謂聶政姊仁而有勇不去死以滅名詩云外喪之威兄弟孔懷言死可畏之事惟兄弟甚相懷箋兼用魯說

伐木伐木丁丁鳥鳴嚶嚶箋云丁丁嚶嚶相切直也

嚶嚶衍文爾雅釋訓當作丁丁相切直也爲箋所張本又釋詁關關嚶嚶音聲和也雍雅文選注作嚶嚶

言替日未居位在農之時與友生于山巖伐木爲勤
苦之事猶以道德相切正也嚶嚶兩鳥聲也其鳴之
志似于有友道然故連言之 案文選謝混遊西池
詩李注引韓詩伐木廢朋友之道缺勞者歌其事詩
人伐木自苦其事故以爲文又潘岳閒居賦注以勞
者歌其事爲韓詩序初學記樂部上太平御覽樂部
十一韓詩飢者歌會勞者歌事箋用韓說

無酒酤我箋云酤買也王無酒酤買之 案漢書會

貨志下魯匡言詩曰無酒酤我而論語曰酤酒不食
二者非相反也夫詩據承平之世酒酤在官和旨便

人可以相御也論語孔子當周衰亂酒酤在民薄惡不誠是以疑而弗會箋用三家說

采薇歲亦陽止箋云十月爲陽時坤用事嫌於無陽故以名此月爲陽案劉歆西京雜記董仲舒雨雪對鮑敞曰十月陰雖用事而陰不孤立此月純陰疑于無陽故謂之陽月詩人所謂日月陽止者也箋用

董說

杜秋同

六月元戎十乘以先啟行箋云元戎可以先前啟突敵陳之前行案史記三王世家裴駟集解引韓詩章句云元戎大戎謂兵車也車有大戎十乘謂車纒

綸馬被甲衡扼之上盡有劔戟名曰陷軍之車所以
冒突先啟敵家之行伍也箋用韓說

吉甫燕喜既多受社箋云吉甫既伐玁狁而歸天子
以燕禮樂之則歡喜矣又多受賞賜也 案漢書陳
湯傳劉向曰吉甫之歸周厚賜之卽引此詩

采芑顯允方叔征伐玁狁箋云方叔先與吉甫征伐
玁狁 案漢書陳湯傳劉向疏曰晉周大夫方叔吉
甫爲宣王誅玁狁而百蠻從箋用劉說

車攻東有甫草駕言行狩箋云甫草者甫田之草也
鄭有甫田 案墨子明鬼篇周宣王合諸侯而田於

圃田車數百乘古甫圃通

吉日其祁孔有箋云祁當作廢廢麋牝也 案孔正

義据爾雅某氏注引詩作廢箋所本也周禮大司馬

注鄭司農云五歲爲慎玄謂慎讀爲廢麋牝曰廢

鶴鳴鶴鳴于九皋箋云皋澤中水溢出所爲坎自外

數至九 案釋文韓詩云九皋九折之澤論衡藝增

篇亦云言鶴鳴九折之澤聲猶聞於天

祈父子王之爪牙胡轉予于恤箋云予我轉移也此

勇力之士責司馬之辭也我乃王之爪牙爪牙之士

當爲王閑守之衛女何移我於憂 案焦氏易林謙

之歸妹小過之離竝云爪牙之士怨毒祈父轉憂與
己傷不及母箋同焦說

白駒賁然來思箋云易卦曰山下有火賁賁黃白色
也 案說苑反質篇孔子卦得賁喟然仰而嘆息曰
賁非正色也吾亦聞之丹漆不文白玉不雕寶珠不
飾何也質有餘者不受飾也又呂覽壹行篇孔子卜
得賁孔子曰不吉子貢曰夫賁亦好矣何爲不吉乎
孔子曰夫白而白黑而黑夫賁又何好乎

斯干噲噲其正箋云噲噲猶快快也 案說文噲或
讀若快

無羊眾維魚矣實維豐年箋云魚者庶人之所以養也今人眾相與捕魚則是歲孰相供養之祥也易中孚卦曰豚魚吉 案漢書食貨志蕭望之奏徐官家在東萊言往年加海租魚不出長老皆言武帝時縣官嘗自漁海魚不出後復予民魚迺出夫陰陽之感物類相應萬事盡然

正月瞻烏爰止于誰之屋箋云視烏集於富人之室以言今民亦當求明君而歸之 案後漢書郭大傳郭大字林宗建寧元年陳蕃竇武爲閹人所害林宗哭之旣而歎曰人之云亾邦國殄瘁瞻烏爰止不知

于誰之屋耳李賢注云言不知王業當何所歸箋用
三家說

瞻彼中林侯薪侯蒸箋云林中大木之處而維有薪
蒸爾喻朝廷宐有賢者而但聚小人 案韓詩外傳
卷七引詩釋之云言朝廷皆小人也

有皇上帝伊誰云憎箋云有君上帝者以情告天也
使王暴虐如是是憎惡誰乎欲天指害其所憎而已
案潛夫論班祿篇引皇矣詩上帝指之憎其式惡
蕭山汪氏繼培箋云鄭箋所用詩與此同

召彼故老訊之占夢箋云君臣在朝侮慢元老召之

不問政事但問占夢不尙道德而信徵祥之甚 案
漢書藝文志云然惑者不稽諸躬而忌託之見是以
詩刺召禳故老訊之占夢傷其舍本而憂末不能勝
凶咎也

十月之交以下四篇序刺幽王箋以爲刺厲王云作
詁訓傳時移其篇第因改之耳節彼刺師尹不平亂
靡有定此篇譏皇父擅恣日月告凶正月惡褒姒滅
周此篇疾豔妻煽方處又幽王時司徒乃鄭桓公友
非此篇之所云番也是以知然 案正義引中候撻
維貳曰昌受符厲倡嬖期十之世權在相又曰剡者

配姬以放賢山崩水潰納小人家伯罔主異載震此
箋改作刺厲王之本後漢世祖尊用圖讖朝廷引以
定禮說經康成知禮尊王故解經多從緯說耳又據
漢書劉向傳谷永傳後漢書左雄傳皆幽厲竝言故
作厲王爲定論不知諸家引詩往往幽厲連及非以
此詩爲厲王時褒豔魯作合節南山之褒姒十月之
交之豔妻連綴成文非以豔妻爲厲王后先褒後豔
魯詩次序與毛同正義以爲韓詩次序亦在此不是
移改篇第矣王朝三公師尹爲三公之一據董仲舒
說師尹爲
司皇父爲卿士則三公中執政之一人也十月朔辛

卯日會大衍術推算在幽王六年國語幽王八年鄭
桓公友爲司徒則日會在六年爲司徒者番非友也
箋說俱不審

四國無政不用其良箋云四方之國無政治者由天
子不用善人也 案韓詩外傳卷五釋此詩云不用
其良臣而不亾者未之有也漢書左雄傳上疏言幽
厲昏亂不自爲政喪豔用權七子黨進賢愚錯緒淡
谷爲陵亦引此詩竝與箋說同

百川沸騰箋云百川沸出相棄陵者由貴小人也

案漢書李尋傳偏黨失綱則踊溢爲敗今汝穎畎澮

皆川水漂踊與雨水竝爲民害此詩所謂燂燂震電
不寧不令百川沸騰者也其咎在於皇父卿士之屬
家伯維宰箋云冢宰掌建邦之六典 案漢書古今
人表大宰家伯冢宰卽大宰箋用魯詩說

抑此皇父箋云抑之言噫噫是皇父疾而呼之 案
釋文引韓詩抑意也疑意乃噫之壞字

龜勉從事箋云詩人賢者見時如是自勉以從王事
案漢書劉向傳君子獨處守正不撓眾枉勉彊以
從王事引詩曰密勿從事箋同劉說

小旻旻天疾威敷于下土箋云旻天之德疾王者以

刑罰威恐萬民其政教乃布於下土言天下徧知
案列女傳續篇君子謂不疑母能以仁教詩云旻天
疾威敷于下土言天道好生疾威虐之行于下土也
箋用魯說

謀猶回適箋云今王謀爲政之道回辟不循旻天之
德已甚矣 案文選西征賦注引薛君章句云回邪
僻也章句但解回字箋用韓說疾威回適毛詩俱二
字平列

國雖靡止箋云止禮也 案相鼠人而無止韓詩止

節也無止無禮節也 今釋文脫也 箋用韓義廣雅釋

無止三字

言云止禮也亦本韓詩

小弁假寐永歎箋云不脫冠衣而寐曰假寐 案楚

辭九懷王逸注云不脫冠帶而臥曰假寐卽引此詩

苑彼柳斯鳴蜩嘒嘒有灌者淵萑葦泝泝箋云柳木

茂盛則多蟬淵淡而芴生萑葦言大者之無不容今本

作言大者之芴無所不容此從宋本 案說苑禘言篇引此詩而釋之

云言大者之芴無所不容又韓詩外傳卷七云言大

者無不容也箋用韓義

君子無易由言耳屬于垣箋云由用也王無輕用讒

人之言人將有屬耳于垣壁而聽之者垣字據御覽人事三十一

補知王有所受之知王心不正也 案韓詩外傳五

孔子正假馬之言而君臣之義定矣詩曰君子無易由言名正也箋兼用韓義

巧言匪其止其維王之邛箋云邛病也小人好爲讒佞既不共其職事又爲王作病 案韓詩外傳卷四引詩釋之云言不共其職事而病其主也說苑政理篇云此傷姦臣蔽主以爲亂者也亦與韓詩同

谷風無草不刈無木不萎箋云然而盛夏蒼萬物之時草木枝葉猶有萎槁者 案徐榘中論修本篇釋此詩云言盛陽布德之月草木猶有枯落而與時謬

者

蓼莪蓼莪者莪匪莪伊蒿箋云莪已蓼蓼長大貌視

之以爲非莪反謂之蒿

反各本作故此從宋本

興者喻憂思雖

在役中心不精識其事 案太平御覽百穀部六引

韓詩彼黍離離彼稷之苗薛君注曰詩人求己兄不

得憂不識物視彼黍反以爲稷此箋云憂思不精識

其事蓋亦用韓詩

大東無浸穫薪箋云穫落木名也 案爾雅穫落樊

光注引詩作穫薪箋以穫爲穫本三家

載翕其舌箋云翕猶引也引舌者謂上星相近 案

玉篇引詩載吸其舌云吸引也箋讀翕爲吸本三家
四月廢爲錢賊莫知其尤箋云尤過也言在位者貪
殘爲民之害無自知其行之過者言怙於惡

怙從宋本作大

者誤

案列女傳續篇釋詩云言怙於惡不知其爲過

霍夫人顯之謂也蕩箋亦云此言時人怙於惡俱本
三家詩

鼓鍾以雅以南箋云雅萬舞也周樂尙武故謂萬舞
爲雅雅正也 案公羊宣八年何注以萬爲武樂箋
用何說

瞻彼洛矣韎韐有奭以作六師箋云此諸侯世子也

除三年之喪服士服而來未遇爵命之時時有征伐之事天子以其賢任爲軍將使代卿士將六軍而出

案白虎通義爵篇韓詩內傳曰諸侯世子三年喪畢上受爵命於天子其下又言世子上受爵命衣士

服引詩曰韎韜有奭世子始行也

韎與奭同班宗魯詩此亦兼用韓詩

通典禮五十
三引內傳同箋用韓說

鸞鷩摧之秣之箋云摧今莖字也

摧宋本作挫誤

案釋文

韓詩云莖委也

車牽德音來括箋云使我王更修德教會合離散之人
案文選劉越石荅盧湛詩陸士衡辨亾論注引

韓詩章句括約束也王伯厚詩考以爲此詩章句蓋
箋用韓義

辰彼碩女令德來教箋云則其時賢女來配之與相
訓告改修德教 案列女傳續篇敝夫人可謂知事

之機者矣引詩云展彼碩女展當作辰令德來教箋或用

魯義

青蠅營營青蠅箋云興者蠅之爲蟲汗白使黑汗黑
使白喻佞人變亂善惡也 案易林論衡初學記竝
有青蠅汗白之語

讒人罔極構我二人箋云構合也合猶變亂也 案

釋文韓詩云構亂也

賓之初筵大侯既抗弓矢斯張箋云天子諸侯之射皆張三侯故君侯謂之大侯大侯張而弓矢亦張節也將祭而射謂之大射下章言烝衍烈祖其非祭與案漢書吾丘壽王傳大射之禮自天子降及庶人三代之道也卽引此詩箋蓋本魯詩說

采菽彼交匪紆箋云彼與人交接自偏東如此則非有解怠紆緩之心案韓詩外傳卷四引詩釋之云言必交吾志然後子箋作交接解兼用韓義

角弓民之無良相怨一方受爵不讓至于已斯亾箋

云良善也民之意不獲當反責之于身思彼所以然者而恕之無善心之人則徒居一處

宋本作徒居

怨恚之

斯此也 案後漢書章帝紀上無明天子下無賢方伯人之無良相怨一方章懷注云良善也言王者所爲無有善者各相與於一方而怨之義見韓詩又韓詩外傳卷四有君不能事有臣欲其忠有父不能事有子欲其孝有兄不能敬有弟欲其從令詩曰受爵不讓至于己斯亾言能知於人而不能自知也箋悉本韓詩

雨雪漉漉見明曰消箋云雨雪之盛漉漉然至日將

出其氣始見人則皆稱雪今消釋矣噓小人雖多王若欲興善政則天下聞之莫不曰小人今誅滅矣

案韓詩外傳卷四云上發舜禹之制下則仲尼之義以務息十子之說如是者仁人之事畢矣天下之害除矣聖人之迹著矣卽引此詩又漢書劉向傳君子道長小人道消則政日治故爲泰泰者通而治也亦引此詩

如蠻如髦我是用憂箋云今小人之行如夷狄而王不能變化之我用是爲大憂也 案韓詩外傳卷四云出則爲宗族患入則爲鄉里憂詩曰如蠻如髦我

是用憂小人之行也

大雅

文王文王受命作周也箋云受命受天命而王天下
制立周邦 案春秋繫露郊祀篇云文王受天命而
王天下史記周本紀詩人道西伯蓋受命之年稱王
漢書地理志公季嗣位至昌爲西伯受命而王此當
是魯詩

王之蓋臣箋云王帝成王 案漢書劉向傳孔子論
詩至於殷士膚敏裸將于京喟然歎曰大哉天命善
不可不傳於子孫是以富貴無常不如是則王公其

何以戒慎民岷何以勸勉蓋傷微子之事周而痛殷之亾也白虎通義三正篇詩曰厥作裸將常服黼舄言微子服殷之冠助祭於周也微子朝周在成王之時漢書翼奉傳亦云周公作詩深戒成王以恐失天下詩曰殷之未喪師克配上帝宜監于殷駿命不易箋以王爲成王用三家說

大明文定厥祥箋云文王以禮定其吉祥謂使納幣也案白虎通義嫁娶篇人君及宗子無父母自定娶者卑不主尊賤不主貴故自定之也昏禮經曰親及沒已聘命之詩云文定厥祥親迎于渭

命此文王于周于京箋云天爲將命文王君天下于

周京之地 案白虎通義三正篇釋詩云此言文王

改號爲周易邑爲京也

又見號篇

會朝清明箋云會合也書牧誓曰時甲子昧爽武王
朝至于商郊牧野乃誓 案易林復節謙渙云周師

伐紂克於牧野甲子平旦天下悅喜甲子平旦卽所

謂甲子昧爽也楚辭天問會鼂爭盟鼂古朝字

一作會鼂

請盟王逸注亦謂以甲子日朝誅紂

縣縣瓜瓞箋云瓜之本實繼先歲之瓜必小狀似

瓞故謂之瓞 案釋文引韓詩云瓞小瓜也

周原膺膺箋云周之原地在岐山之南膺膺然肥美
案文選魏都賦李善注引韓詩作腓腓廣雅腓腓
肥也箋兼用韓義

棫樸薪之爇之箋云至祭皇天上帝及三辰則聚積

以燎之

燎當作燎

案春秋繁露郊祀篇引此首章二章

又四祭篇引此二章皆謂文王郊祭之詩何休注公
羊定八年引下章奉璋爲郊事天蓋皆本魯詩說

早麓瑟彼玉瓊箋云瑟絜鮮貌 案說文玉部璫玉

英華相帶如瑟弦也詩曰璫彼玉瓊

魚躍于淵箋云魚跳躍于淵中喻民喜得所 案文

選四子講德論注引薛君章句云魚喜樂則踴躍于淵中

施于條枚箋云延蔓於木之枝本而茂盛

宋本作枝本後漢書

蘇竟傳注引無本字

案韓詩外傳二呂覽知分篇注後漢書

黃瓊傳注引新序竝作延于條枚

思齊烈假不瑕箋云厲假皆病也 案嘉定錢氏大

昕曰仙人唐公房碑厲蠱不遐卽用思齊烈假不瑕鄭箋讀烈假爲厲瘦皆訓爲病蠱假聲相近碑立於東漢之世其時鄭學未行而聞與之合可證康成所改皆本經師相承之訓

皇矣串夷載路箋云串夷卽混夷 案串卽母字母

古貫字也混一作昆貫夷卽昆夷如禹貢揚州貢瑤
琨漢書地理志作瑤瓊之例當本魯詩說

施于孫子箋云施猶易也延也 案箋中延字義當

本韓詩見早麓篇

無然畔援箋云畔援猶拔扈也

拔各本作跋此從宋本訂文逸而京賦注

引作拔云拔與跋古字通

案釋文引韓詩云畔援武強也

葉石林鈔

本武強作拔扈

誕先登于岸箋云岸訟也欲廣大德美者當先平獄
訟正曲直也 案小宛韓詩宐犴宐獄云鄉亭之繫

曰犴朝廷曰獄

密人不恭敢距大邦侵阮徂共箋云阮也徂也共也
三國犯周而文王伐之密須之人乃敢距其義兵違
正道是不直也 案正義云魯詩之義以阮徂共皆
爲國名箋用魯義首章維彼四國及文王有聲有此
武功箋謂伐此四國皆用魯義

崇墉言言箋云言言猶擊擊將壞貌 案下文崇墉
佻佻釋文引韓詩云佻佻搖也箋用韓義

生民履帝武敏箋云帝上帝也敏拇也祀郊禘之時
時則有大神之迹姜嫄履之足不能滿履其拇指之

處 案爾雅釋訓履帝武敏武迹也敏拇也此鄭箋

所本 爾雅釋訓一篇多逕漢人增益 史記楚辭列女傳母儀篇白虎

通義姓名篇春秋繁露三代改制質文篇詩正義引

異義齊魯韓詩竝指感生帝之說

既醉其僕維何釐爾女士釐爾女士從以孫子箋云

天之天命附著於女云何乎予女以女而有士行者

謂生淑媛使為之妃從隨也天既予女以女而有士

行者又使生賢知之子孫以隨之謂傳世也 案列

女傳母儀篇塗山獨明教訓而致其化禹及啟長化

其德而從其教卒致令名禹為天子而啟為嗣持禹

之功而不煩君子謂塗山疆於教誨詩云釐爾士女
士女誤倒從以孫子此之謂也箋用魯詩義

鳧鷖鳧鷖在淵箋云淵水外之高者也 案廣雅釋

鴈淵厓也張揖多取三家詩義孔正義云水外之地
淵然而高蓋涯涘之中復有偏高之處說與廣雅相
近

假樂威儀抑抑德音秩秩箋云抑抑密也秩秩清也

案箋用爾雅釋訓文

率由羣匹箋云循用羣臣之賢者其行能匹耦己之
心 案春秋繁露楚莊王篇百物皆有合偶偶之合

之仇之匹之善也卽引此詩爲箋所本

卷阿第祿爾康矣箋云第福也 案爾雅釋詁祿福

也郭注引詩祿祿康矣奪爾字箋讀第爲祿義本三家

蕩殷鑒不遠在夏后之世箋云此言殷之明鏡不遠

也近在夏后之世謂湯誅桀也後武王誅紂 案韓

詩外傳卷五云夫明鏡者所以照形也法古者所以

知今也故夏之所以亾者而殷爲之殷之所以亾者

而周爲之故殷可以鑒於夏而周可以鑒於殷卽引

此詩鄭用韓詩

抑靡哲不愚箋云今王政暴虐賢者皆佯愚不爲容

貌如不肖然 案韓詩外傳卷六比干諫而外箕子
曰知不用而言愚也殺身以彰君之惡不忠也二者
不可然且爲之不祥莫大焉遂被髮佯狂而去君子
聞之曰勞矣箕子盡其精神竭其忠愛見比干之事
免其身仁知之至詩曰人亦有言靡哲不愚

有覺德行四國順之箋云有大德行則天下順從其
政言在上所以倡道 案列女傳節義篇夫義其大
哉雖在匹婦國猶賴之況以禮義治國乎卽引此詩
箋訓覺爲大義本魯說

荒湛于酒箋云荒廢其政事又湛樂于酒言愛小人

之甚 案漢書五行志下之下羣小湛涵於酒其下
卽引此詩

無言不讎箋云教令之出如賣物物善則其售買貴
物惡則其售買賤 案此與邶谷風賈用不售韓詩
合箋亦當用韓說

投我以桃報之以李箋云此言善往則善來人無行
而不得其報也 案桓寬鹽鐵論和親篇引詩釋之
云未聞善往而有惡來者

桑柔誰能執熱逝不以濯箋云當如手持熱物之用
濯爲治國之道當用賢者 案墨子尙賢中篇爵位

不高則民不敬也蓄錄不厚則民不信也政令不漸
則民不畏也故古聖王高予之爵重予之祿任之以
事斷予之令夫豈爲其臣賜哉欲其事之成也詩曰
告女憂卹誨女子爵爲爵當孰能執熱鮮不用濯則此
語古者國君諸侯之不可以不執善承嗣輔佐也譬
之猶執熱之有濯也將休其手焉趙岐注孟子亦解
經濯爲濯手

其何能淑載胥及溺箋云女若云此於政事何能善
乎則女君臣皆相與陷溺於禍難 案孟子離婁篇
引詩趙注云刺時君臣何能爲善乎但相與爲沈溺

之道也箋與趙同

雲漢耗斁下土

耗當作耗

箋云斁敗也猶以旱耗敗天下

爲害

案釋文引韓詩耗惡也箋蓋用韓義

斁無友紀箋云斁無其紀者凶年祿餼不足人無嘗賜也案墨子七患篇一穀不收謂之饑二穀不收謂之旱三穀不收謂之凶四穀不收謂之餽五穀不收謂之饑歲饑則仕者大夫以下皆損祿五分之一旱則損五分之二凶則損五分之三餽則損五分之四饑則盡無祿稟食而已矣

烝民有物有則箋云天之生眾民其性有物象謂五

行仁義禮智信也其情有所法謂喜怒哀樂好惡也
案韓詩外傳卷六子曰不知命無以爲君子言天
之所生皆有仁義禮智順善之心不知天之所以命
生則無仁義禮智順善之心無仁義禮智順善之心
謂之小人故曰不知命無以爲君子小雅曰天保定
爾亦孔之固言天之所以仁義禮智保定人之甚固
也大雅曰天生烝民有物有則民之秉彝好是懿德
言民之秉德以則天也不知所以則天又焉得爲君
子乎箋用韓義

韓奕蹶父孔武靡國不到箋云蹶父甚武健爲王使

於天下國國皆至 案易林井之需云大夫行父

疑

役之天地不涉爲吾相土莫如韓樂可以居止長安

富有

召旻池之竭矣不云自頻泉之竭矣不云自中箋云

頻當作濱厓猶外也自由也池水之溢

宋本作益

自外灌

焉今池竭人不言由外無益者與言由之也喻王猶

池也政之亂由外無賢臣益之泉者中水生則益漢

水不生則竭喻王猶泉也政之亂又由內無賢妃益

之 案列女傳續篇趙飛燕姊姊傳引詩釋之云成

帝之時舅氏擅外趙氏專曰其自竭極蓋亦池泉之

勢也

周頌

天作天作高山大王荒之箋云高山謂岐山也大王自幽遷豸居之一年成邑二年成都三年五倍其初案文選干寶晉紀總論李善注引劉向新序曰大王直父止於岐下百姓扶老攜幼隨而歸之一年成邑二年成都三年五倍其初

彼祖矣岐有夷之行箋云後之往者又以岐邦之君有佼易之道故也易曰乾以易知坤以簡能易則易知簡則易從易知則有親易從則有功有親則可久

有功則可大可久則賢人之德可大則賢人之業以此訂大王文王之道卓爾與天地合其德 案韓詩外傳卷三傳曰易簡而天下之理得矣忠易爲禮誠易爲辭賢人易爲民工巧易爲材詩曰岐有夷之行子孫保之後漢書西南夷傳李賢注引韓詩薛君章句云徂往也夷易也行道也彼百姓歸文王者皆曰岐有易道可歸往矣易道謂仁義之道而易行故岐道阻險而人不難說苑君道篇釋詩之義同

時邁實右序有周箋云右助次序其事謂多生賢知使爲之臣也 案韓詩外傳卷八孔子曰善乎晏子

不出俎豆之閒折衝千里卽引此詩此箋所謂賢知
爲臣也

式序在位箋云以其有俊又用次第處位 案韓詩

外傳卷八三公者何曰司馬司空司徒也司馬主天
司空主土司徒主人故陰陽不和四時不節星辰失
度災變非常則責之司馬山陵崩竭川谷不流五穀
不殖草木不茂則責之司空君臣不正人道不和國
多盜賊下怨其上則責之司徒故三公典其職憂其
分舉其辯明其隱

武進趙懷玉校刻云疑德字之誤
續漢書百官志注作得古德得通

此三公之任也詩曰濟濟多士文王以寧又曰明昭

有周式序在位言各稱職也後漢書朱穆傳議郎大夫之位本以式序儒術高行之士亦用韓詩說也有警應田縣鼓箋云田當作棟棟小鼓在大鼓旁應鞞之屬也聲轉字誤變而作田案鄭注周禮禮記及郭注爾雅並引詩作應棟縣鼓

閔予小子嗣王朝於廟也箋云嗣王者謂成王也除武王之喪將始卽政朝於廟也案漢書匡衡傳詩云煢煢在疚言成王喪畢思慕意氣未能平也蓋所以就文武之業崇大化之本也匡衡齊詩箋與匡說

合

敬之陟降厥士日監在茲箋云天上下其事謂轉運
日月施其所行日日瞻視古本如此各本作日月近在此也
案漢書郊祀志匡衡奏議引詩而釋之云言天之日
監王者之處也

酌遵養時晦箋云率殷之叛國以事紂養是闇昧之
君以老其惡 案武者定爾功釋文引韓詩云耆惡
也言武王惡紂而誅伐之此謂老其惡當用韓義

魯頌

泮水思樂泮水箋云辟靡者築土雝水之外圓如壁
四方來觀者均也泮之言半也半水者蓋東西門以

南通水北無也天子諸侯宮異制因形然 案白虎
通義辟雍篇詩云思樂泮水薄采其芹詩訓曰水圓
如壁諸侯曰泮宮者半於天子宮也明尊卑有差所
化少也半者象璜也獨南面禮儀之方有水耳其餘
壅之言垣宮名之別尊卑也明不得化四方也通典
禮十三引劉向五經通義亦云南通水

狄彼東南箋云狄當作剔剔治也 案釋文引韓詩
作鬻云除也鬻剔同字除治同義

閼宮實始翦商箋云翦斷也大王自幽徙居岐陽四
方之民咸歸往之于時而有王迹故云是始斷商

案說文戈部戠滅也詩曰實始戠商戠翦同聲滅斷
同義

商頌

那置我鞀鼓箋云置讀曰植 案廣雅釋樂曹憲音
引詩植我鞀鼓鄭注禮記明堂位篇同

玄鳥天命玄鳥降而生商箋云降下也天使鳥下而
生商者謂鳥遺卵有娥氏之女各本脫有字簡狄吞之而

生契 案箋從三家詩說見生民篇

長發湯降不遲箋云湯之下士尊賢甚疾 案韓詩
外傳卷八言周公假天子之尊位所執贊而師見者

十人所還質而友見者十三人窮巷白屋之士所先見者四十九人時進善者百人官朝者千人諫臣五人輔臣五人拂臣六人載干戈以至於封侯而同姓之士百人其下卽引此詩箋用韓義

何天之龍箋云龍當作寵 案大戴禮衛將軍文子篇引詩作何天之寵

殷武商邑翼翼四方之極箋云極中也商邑之禮俗翼翼然可則倣乃四方之中正也 案王氏引之詩述聞載後漢書樊準傳後魏書甄瑛傳白帖七十六兩引韓詩及荀悅漢紀元帝紀載匡衡疏引齊詩竝

云京邑翼翼四方是則鄭箋用三家義

鄭氏箋終